



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 410
fax. +387 33 726 423
e – mail: info@voda.ba

Broj: **UP-1/21-1-40-331-5/24**
Datum: **19.07.2024. godine**

«Agencija za vodno područje rijeke Save» Sarajevo rješavajući po zahtjevu investitora Adis Litrić iz Ilijaša, za izdavanje prethodne vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za smještaj muznih krava, planirane za izgradnju u naselju Behrići, općina Kiseljak, na osnovu člana 109. stav 2. tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o prethodnoj vodnoj saglasnosti**

1. Investitoru Litrić Adisu iz Ilijaša, daje se prethodna vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za smještaj muznih krava, kapaciteta 10 grla, koja se planira graditi u naselju Behrići, na zemljištu označenom kao k.č. broj: 1125/6 K.O. Gomionica, općina Kiseljak.
2. Prethodna vodna saglasnost može se koristiti isključivo za potrebe izdavanja okolinske dozvole, urbanističke saglasnosti ukoliko nije potrebna okolinska dozvola i u postupku izdavanja koncesije na vodama i vodnom dobru ukoliko je isto predviđeno zakonom o koncesijama.
3. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 3.1. Izraditi investiciono tehničku dokumentaciju potrebnu za pribavljanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za smještaj muznih krava, kapaciteta 10 grla, u naselju Behrići, općina Kiseljak.
Investiciono-tehnička dokumentacija treba biti urađena od strane pravnog lica koje ima ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine F BiH», broj: 31/15, 55/19 i 41/20) koja su bitna za konkretan slučaj, a naročito:
 - Na osnovu proračuna količina vode, potrebnih za nesmetan rad predmetnog objekta (potrebne količine sanitarne vode, potrebne količine vode za pranja opreme i prostora za smještaj muznih krava sl.), obraditi tehničko rješenje zahvatanja vode, monitoringa količina zahvaćene vode i dovodenja vode do objekta, sa svim potrebnim grafičkim prilogima i tehničkim opisom.
 - Na osnovu kapaciteta, proračunati količinu otpadnih voda od pranja prostora i opreme za mlijeko te obraditi tehničko rješenje za tretman istih sa svim potrebnim proračunima, grafičkim prilogima i tehničkim opisom.
 - Na osnovu kapaciteta broja grla muznih krava, proračunati količinu tečnog i krutog otpada te obraditi tehničko rješenje za skladištenje istog sa svim potrebnim proračunima, grafičkim prilogima i tehničkim opisom.
 - Objekti za prikupljanje tečnog i krutog otpada (laguna) moraju biti dimenzionirani tako da obezbijede zrenje istog prije konačne dispozicije đubriva na poljoprivredne površine kao i da se spriječi nekontrolisano rasipanje tečnog i krutog otpada po okolnom zemljištu.
 - Procjedne vode iz lagune za zbrinjavanje prostirke/đubriva potrebno je priključiti na sabirnu/đubrišnu jamu u kojoj će se sakupljati otpadne vode nastale od pranja objekta. Pražnjenje sabirne/ osočne jame može vršiti javno komunalno preduzeće ili drugo pravno lice registrovano za te aktivnosti (priložiti ugovor).
 - Definirati način aplikacije đubriva na poljoprivredne površine (dati plan, količine...), u skladu sa pravilima dobre poljoprivredne prakse, a u cilju zaštite podzemnih i površinskih voda.

- Definirati i obrazložiti mjesta gdje se vrši pretakanje mlijeka i pranje cisterni kojima se odvozi mlijeko. Ukoliko se pranje cisterni planira vršiti na predmetnoj lokaciji obraditi način prikupljanja, prečišćavanja i ispuštanja otpadnih voda u definisani recipijent.
 - Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo.
 - U projektnoj dokumentaciji dati proračun, grafičke priloge i opis ventilisane vodonepropusne septičke jame, bez preliva, za zbrinjavanje sanitarno fekalnih otpadnih voda iz objekta farme sa definisanim vremenom pražnjenja iste od strane javnog komunalnog preduzeća ili drugog ovlaštenog pravnog lica.
 - Projektnom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju objekata u odnosu na otvorene vodotoke, izvorišta vode za piće.
 - Projektnom dokumentacijom predvidjeti način i mjesto privremenog i konačnog zbrinjavanja otpada od uginulih životinja i drugih nusproizvoda, u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - Projektnom dokumentacijom sagledati sve moguće neželjene uticaje kako na planirani objekat, tako planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.
- 3.2. Usvojenim sistemom prečišćavanja tehnoloških otpadnih voda mora se obezbijediti kvalitet efluenta u skladu sa propisanim graničnim vrijednostima emisije u prečišćenoj vodi, definisane u tabeli 2.1. (kolona 3) date u prilogu 2. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20).
- 3.3. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke koristeći primjenu dobre poljoprivredne prakse.
- 3.4. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Zahtjev za izdavanje vodne saglasnosti dostavlja se u skladu sa članovima 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
- Uz zahtjev se između ostalog prilaže:
- 4.1. Investiciono-tehnička dokumentacija urađena u skladu sa uslovima iz tačke 3. dispozitiva ovog Rješenja.
 - 4.2. Rješenje o urbanističkoj saglasnosti za izgradnju objekta za uzgoj muznih krava sa pratećim sadržajima, (septička jama, sabirna jama, laguna i dr.) i okolinska dozvola.
 - 4.3. Dokaz o izvršenoj uplati administrativne takse u iznosu od 60 KM biljezi federalne upravne takse.
 - 4.4. Rješenje o prethodnoj vodnoj saglasnosti za zahvatanje vode i ispuštanje sanitarno fekalnih otpadnih voda, izdato od strane nadležnog organa.
5. Ova prethodna vodna saglasnost prestaje važiti nakon isteka 3 (tri) godine od dana njenog izdavanja ukoliko u tom roku ne bude podnesen zahtjev za izdavanje vodne saglasnosti, a ista se može izmijeniti u skladu sa članom 130. Zakona o vodama.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

Obrazloženje

Investitor Adis Litrić iz Ilijaša, zahtjevom od 02.07.2024. godine, obratila se ovoj Agenciji za izdavanje prethodne vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za smještaj muznih krava, kapaciteta 10 grla muznih krava, planirane za izgradnju u naselju Behrići, na zemljištu označenom kao k.č. broj: 1125/6 K.O. Gomionica, općina Kiseljak a u postupku pribavljanja urbanističke saglasnosti i okolinske dozvole.

U provedenom postupku dostavljena je i pregledana sljedeća dokumentacija:

A. Opšta dokumentacija

- Kopija lične karte Litrić Adisa iz Ilijaša
- Zemljišno-knjižni izvadak broj: 049-0-NAR-24-001095 broj ZK uložka 1581 od 13.03.2024 godine izdat od strane Općinskog suda u Kiseljaku,
- Kopija katastarskog plana broj plana: 9, broj: 05-26-1993/2023-2 od 11.12.2023. godine, izdat od strane Službe za imovinsko-pravne poslove, geodeske poslove i katastar nekretnina, Općina Kiseljak-kopija,
- Izvod iz PPKS 2006-2026 godine za parcelu 1125/6 K.O. Gomionica,
- Rješenje o izdavanju urbanističke saglasnosti broj: 03-19-2743/23 od 08.04.2024 godine izdato od strane Službe za gospodarstvo, urbanizam, zaštitu okoliša i komunalne poslove, Općina Kiseljak,
- Urbanističko-tehnički uslovi broj: 03-19-2741/23 od 07.03.2024 godine izdato od strane Službe za gospodarstvo, urbanizam, zaštitu okoliša i komunalne poslove, Općina Kiseljak,
- Rješenje o prethodnoj vodnoj saglasnosti broj: UP1-06-21-2391/2024 od 01.04.2024 godine izdato od strane Ministarstva poljoprivrede, vodoprivrede i šumarstva Srednjobosanskog kantona;
- Uplatnica za upravnu taksu u iznosu od 80.00 KM.

B. Tehnička dokumentacija

- Studija za izdavanje prethodne vodne saglasnosti – štala za krave od 10 komada, investitora Litrić Adisa, urađena od strane ovlaštenog pravnog lica „PERSPEKTIVA-inžinjeri“ d.o.o. Visoko, mart 2024 godine (ostaje u spisu)
- Glavni projekat štala za krave od 10 komada, investitora Litrić Adisa, urađena od strane ovlaštenog pravnog lica „Interijer“ d.o.o. Kiseljak, decembar 2023 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U skladu sa članom 124. stav (1) Zakona o vodama o zahtjevu je dana 05.07.2024. obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje“ objavljenom dana 05.07.2024. godine. U datom roku nije bilo pisanih izjašnjenja o predloženim aktivnostima iz zahtjeva. Na osnovu objave, oglašavanja u dnevnom listu „Oslobođenje“ investitor je na osnovu Zaključka o visini i roku za plaćanje posebnih troškova broj: UP-1/21-1-40-331-4/24 od 19.07.2024. godine uplatio račun broj: 24-3600-000138 dostavljen od O Media d.o.o., zbog oglasa zahtjeva u dnevnom listu.

Na osnovu uvida u dostavljenu dokumentaciju i Studiju utvrđeno je sljedeće:

Lokacija na kojoj se planira graditi objekat za smještaj muznih krava se nalazi u naselju Behrići, na zemljištu označenom kao k.č. broj: 1125/6 K.O. Gomionica, općina Kiseljak. Kapacitet objekta za smještaj muznih krava je 10 grla.

Snabdijevanje vodom za potrebe farme kapaciteta 10 grla će se obezbijediti iz vlatitog bunara koji se nalazi na predmetnoj lokaciji.

Podnosilac zahtjeva je pribavio Rješenje o prethodnoj vodnoj saglasnosti za snabdijevanje vodom predmetne farme od nadležnog organa.

Predmetni objekat će biti dimenzija 10,00x6,00 m i sastojat će se od prizemlja i potkrovlja. U prizemlju će se nalaziti prostor za muzne krave, prostor za mlijeko i druge pomoćne prostorije. U postupku rada objekta za uzgoj muznih krava neće nastajati sanitarno-fekalne vode.

Tehnološke otpadne vode će nastajati kao tečni otpad od čišćenja štala i prostora oko štala, osoke iz štala, procjedne vode sa deponije čvrstog stajnjaka te otpadne vode od održavanja čistoće i higijene muzilica i mlekare.

Tehnološke otpadne vode će se zasebnim odvodnim kanalizacionim sistemom odvesti u vodonepropusnu osočnu jamu te dubrišnu jamu odgovarajućih dimenzija koji će obezbijediti pravilno skladištenje istih. Čišćenje štala će se vršiti ručno te će se kruti otpad privremeno odlagati u prostor koji će biti namijenjen za isto-dubrišna jama sa osočarom koji bi trebao biti nadkriven a zatim odvoziti na poljoprivredne površine.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, odredbama Pravilnika o sadržaju, obliku, uslovima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije, doneseno je rješenje kao u dispozitivu i propisani uslovi koje je Investitor dužan ispuniti prilikom izrade projektne dokumentacije, a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.ing.tehn.

Po ovlaštenju
Rukovodilac Sektora za izdavanje vodnih akata



Dostaviti:

- Adis Litrić, Behrići 42 Kiseljak (Prilog-Glavni projekat)
- ⊗ AVP Sava, ISV-vodna knjiga,
- Sektor 40 – arhiva
- Oglasna tabla AVP Sava, Sarajevo